

Pl. Illtre. Sr. Alex Moga Vidal
Alcalde
Ajuntament de Vielha Mijaran
C/ Sarriulèra, 2
25530 Vielha e Mijaran

AJUNTAMENT DE VIELHA-MIJA.
REGISTRE D'ENTRADA


DATA 16 FEB. 2012

Nº 496


Planvolut Alcalde,

Eth grop d'Unitat d'Aran-PM-PSC, ara empara de çò que dispause er article 97.3 en relacion damb er article 91.4 deth Reiau Decrèt 2568/86 de 28 de noveme, Reglament d'Organizacion e Foncionament de Regim Juridic des Entitats Locaus, presente ath Plen der Ajuntament de Vielha Mijaran era prepausa d'acòrd que seguís, qu'incorpòre ua Mocion sus eth crubament deth cànon dera aigua.

Coraument,




Juan Riu Llonch
Còsso




Marc Cuny Morón
Còsso



Maria Vergés Pérez
Còsso



Rufino Martínez Cau
Còsso



Susana Linde Tellosa
Còsso



Alex Sirat Tarrau
Còsso

Vielha, 12 de hereuèr de 2012

PREPAUSA D'ACÒRD PLEN: APROBACION, SE PROCEDÍS, DERA MOCION SUS ETH CRUBAMENT DETH CÀNON DERA AIGUA AS ENS LOCAUS

Prumèr.- Aprovar era Mocion der Ajuntament de Vielha Mijaran sus eth crubament deth cànon dera aigua damb eth redactat que seguís:

Mocion sus eth crubament deth cànon dera aigua as ens locals

Eth Govern dera *Generalitat de Catalunya* a presentat eth Projècte de lei de mesures fiscaus e financères, a on introdusis, en article 3, ua modificacion der article 64 deth tèxte rehonut dera Legislacion en Matèria d'Aigües en Catalunya.

Aguesta modificacion prevé era aplicacion – per prumèr viatge en Catalunya – deth cànon dera aigua ath suministrament qu'aufrissen es ajuntaments a trauès des hònts publiques e monumentaus, neteja de carrèrs e er adaiguetge de parcs, jardins e parcs esportius. Quan aguesta distribucion s'amie a tèrme a trauès des hilats de suministrament d'aigua potable.

Damb aguesta modificacion es ens locals patiran ua naua carga impositiva, pr'amor que enquia ara era legislacion en matèria d'aigües exemptaue deth pagament deth cànon, entre d'auti "es usatges corresponents ar emplec dera aigua que hèsquen es entitats publiques entara alimentacion des hònts publiques e monumentaus, neteges de carrèrs e adaiguetge de parcs, jardins e camps esportius publics.

Eth crubament d'aguest cànon, agreujarà encara mès era delicada situacion financèra de fòrça des ens locals de Catalunya, ath delà, non dèishe d'èster paradoxau qu'era *Agència Catalana de l'Aigua* volgue crubar, ath delà deth còst dera aigua, eth cànon dera aigua entad aguesti suministraments, quan era madeisha ACA encara a un deute fòrça important damb eth mon locau.

Ath delà, er hèt que s'acabe aplicant aguest cànon, supausarà una naua discriminacion negativa de cap tàs ajuntaments dera rèsta der Estat.

Ei pr'amor d'aguestes rasons qu'eth grop d'UA-PM-PSC en Ajuntament de Vielha Mijaran propòse ath Plen era adopcion des acòrds que seguissen:

1. Er Ajuntament de Vielha Mijaran inste ath Govèrn dera Generalitat a deishar sense efècte era modificacion der article 64.2 deth tèxte rehonut dera legislacion d'aigües en Catalunya, atau e coma prevé er article 3 deth projècte der Lei de Mesures Fiscaus e Financères.
2. Er Ajuntament de Vielha Mijaran inste ara Agència Catalana de l'Aigua, que damb era collaboracion des ens locals, mete en foncionament diuèrses accions entà que, aqui u a on sigue possible, era aigua emplegada en servici d'alimentacion des hònts publiques e monumentaus, neteges de carrèrs e adaiguetges de parcs e jardins e camps esportius, procedisque en grana mesura de hònts alternatives ara produccion, coma ara era aigua regenerada o reutilizada
3. Hèr a arribar eth present acòrd ara Generalitat de Catalunya, ara Agència Catalana de l'Aigua, ara mesa e as grops politics deth Parlament de Catalunya, ara totalitat des Ajuntaments e Conselhs Comarcaus dera demarcacion de Lleida e ara Associacion Catalana de Municipis e ara Federacion Catalana de Municipis de Catalonha.

Pl. Illtre. Sr. Alex Moga Vidal
Alcalde
Ajuntament de Vielha Mijaran
C/ Sarriulèra, 2
25530 Vielha e Mijaran